



BErnuuartus ex illustri familia Comitū de Ro-
 tenburg ad fluuium Tauberim natus est. Is cū
 foelici ingenio esset p̄ditus, à parentib. suis Ger-
 perto uiro doctissimo instituendus traditur. Ger-
 pertus ille postea p̄tifex electus Syluestri secun-
 di nomen habuit. Cum sub eo optimè profecisset,
 postea ad Hirsauiese monasterium mittitur, ut et
 ibi optimis disciplinis incumberet, atq; sacrae scri-
 pturae operam daret. Erant enim eo tempore ibi-
 dem uiri clarissimi, ita ut ingeniosa iuuentus tan-
 quam in celeberrima schola ab ijs institueretur.
 Sub ijs ergo magna diligentia sacris & profanis li-
 teris incubuit, atq; eruditione & pietate suos cō-

militones facile superauit.